

姚啟勳著

香港金融

錢永銘題



版初，月一年九十二國民

融 金 港 香

勳 啟 姚 ； 人 作 著

局 書 大 各 處 售 經

加另費寄毫四元一幣港價發

印 翻 許 不 有 所 權 版

HONGKONG MONEY MARKET

By

KAY F. YIU

*All rights reserved, including the
right to reproduce this book or
portions thereof in any form.*

謝霖會計師序

姚子著香港金融一書既竟，囑序於余，余曰：書之價值，固不以序文爲高低也。板橋有言：『有些好處，大家看看。』是誠達者之辭，著者應於此一點着眼，序者讀者固亦無不應於此點着眼也。

雖然，余不能已於言者：蓋當今之世，乃一生存競爭之世也；生物學家之言曰：人類生存競爭可類爲二途，一爲個體生存，一爲種族繁衍。然個體之不存，則種族繁衍固無論矣；欲求個體之生存，衣食也住也行也，在在需要滿足慾望，方足以維護其生存。衣食住行四者之條件惟何？曰經濟。是故質言之，人類生存競爭乃經濟競爭也。

世界經濟重心在以貨幣爲交易媒介之現代，當屬金融市場。香港乃遠東若干金融市場中最重要之一也，亦世界金融市場之一也。且香

港乃一自由貿易港，較之保護港之金融市場，其情形自屬不同，且爲複雜，是以研究香港金融，亦較困難。

一地金融之發展，自有其特殊之環境，循此環境之演變，乃成其獨特之性格，倫敦、紐約諸市場之發展，類皆如此，香港亦何莫不然？惟倫敦紐約諸市場之金融，咸有專著研討，其複雜之形態，業已條分縷析，可以洞燭於世人。然而香港市場之形態，則以其發展較晚，鮮有專著紀述，其中林林種種之金融問題，無非由前輩之口，入於後輩之耳，輾轉相沿，徒成口耳之學；是以終數年或數十年之力，周施於金融市場，仍無以窺其全豹者，比比皆是，其可慨也孰甚！今者，得姚子之手，筆之於書，使『大家看看』，上而裨益國家社會之生存，下而滿足家庭個人之慾望，豈徒『有些好處』而已哉！是爲序。

謝 霖序於成都正則會計事務所

許性初博士序

香港自開埠以還，爲期不及百年，因地位之衝要暨英人之善於經營，故成爲遠東最大商港之一。中國因歷史地理上之關係，其視香港，不啻爲整個經濟上之一環。香港之居民，國人佔百份之九十以上，商肆行號，泰半爲國人經營，履斯土者，幾無身居異域之感。惟香港在主權上究爲英領地，其經濟組織自不能與國內盡同；香港有其獨立貨幣單位，有其特殊金融市場，雖蕞爾小島，然而在其金融組織上，無異一獨立邦國，究與國內各大埠情形，顯有不同。商於斯地者，自宜有深切之認識也明矣。

比自抗戰以還，因我國沿海口岸之被鎖，內地貨物運輸，多恃香港爲吐納場所，國人之商於此者，尤呈空前之盛況。故香港今日之經

濟地位，其重要程度，殆尤甚乎曩昔。然則香港之金融市場組織如何？金融行情如何？胥爲國人亟應熟知之事實矣！昔者國人研究金融市場，常不免集其目光於津滬，書報雜誌所載者，亦以津滬諸大埠之事實爲多。關於香港金融，雖偶有一鱗半爪可尋，然有系統之著作，殆未嘗見。

姚君啟勳，前就讀於香港，旋在復旦大學專治商科，就學前後，復歷任商場職務，其於金融市場，可謂學聞俱富。茲應環境上之需要，將其平日所搜得香港金融狀況之材料，加以有系統之整理，輯爲香港金融一書，綱舉目張，條理清晰，庶後之研究香港金融者，手此一冊，不致有問津無處之感矣。時值非常，姚君具此毅力，成此至可寶貴之貢獻，故樂爲之序。

中華民國二十八年七月

許性初識於財政評論社

朱博泉先生序

香港扼珠江之喉舌，得歐美風氣最先，蔚爲華南惟一商埠。洎前歲淞滬淪陷，國府西遷，我國對外貿易，咸取道於是，而金融事業，亦復風起雲湧，盛極一時，蓋已駸駸然代上海而爲我國之重心矣。或謂欲知抗戰來我國金融經濟之實況，要非先諳香港之金融機構不爲功，非過論也。顧坊間專篇巨製之以此爲研究對象者，猶不數觀。姚君啟勳，曩嘗負笈於滬大商學院，以好學稱於儕輩，近著香港金融一書，殺青有日，蒙先以細目見示，且囑爲之序。余旣佩姚君之勤學不懈，且喜是書之爲現代所亟需，其貢獻於社會，有足多者，故樂弁諸首。至於取材之精審，遣辭之雅馴，則讀是書者自能得之，奚俟余言！

朱博泉序於滬江大學商學院

朱斯煌先生序

欲改善一國之金融制度，必先研究一國之金融市場；我國之金融市場，固向以上海爲中心，而其他各重要都市之金融狀況，及其與上海之聯絡，亦未可忽視；尤以香港地位特殊，扼南洋交通之樞紐，爲中外貿易轉口之要港，其與上海所發生金融上之關係，故亦最繁而最密。且我國自戰事發生以來，香港之經濟地位，益覺重要，香港金融市場之研究，更爲當前之急務。國內關於銀行及金融市場之書籍，出版已見不少，而注意於香港之金融者，實未多覩。同學姚君啟勳，昔與我共同研討金融問題，其孜孜好學之忱，素爲同人所欽佩。頃以研究之心得，益以實地考察之所獲，新著香港金融一書，諸凡香港金融市場之沿革、組織、及各種行情等事，提綱挈要，剖析靡遺，洵爲最

適合目前需要之佳著。今因姚君問序於我，我嘉姚君之志，且深慶其著作之成功，敬綴數言，聊誌欽慕，並樂爲關心金融問題者作誠摯之介紹焉。

中華民國二十八年八月

朱斯煌序於上海中一信託公司

錢祖齡會計師序

我國金融市場，向以上海為樞紐，自淞滬撤守，香港金融，遂日趨活躍。關於此點，一般經濟學者，莫不深切注意。姚君啟勳，爰鑒及茲，依據最近實際情形，著為斯編；書成，乞余為序，因得閱覽一過，全書雖僅七萬餘言，然于港埠商業發達之原因，金融市場之特徵，當地之幣制，金融市場之組織，以及金融行市之意義等等，並皆闡述無遺，包羅富有，洵足供人參考，用資借鏡。姚君卒業於復旦大學之會計系，嘗受業于余，今覩是編，嘉其能實地考查，且又有志著述也，於是樂而為之序。

中華民國二十八年十月

錢祖齡序於交通部

慎微之先生序

本院同學姚君啟勳，以其近著香港金融見示；立論中肯，內容着實，洵今日之金融傑作也。查我國自八一三事變以還，香港商業，曾一度與春申相消長，此實戰時之特殊轉變，均非戰前所逆料；惟一般人士對港埠之認識，距離所應有之態度尙遠，尤以金融市場爲甚。今姚君獨見及此，以最確切之觀察，最近之事實，最新穎之思想，結晶成文，其效果不啻香港金融一瞥，抑亦香港金融之縮影也。由是香港金融一切之一切，獨姚君之大作，能兼而有之，其貢獻之大，可想而知。凡欲研究港埠金融者，誠不可不一卷在手者也。

二十八年十月

慎微之序於滬江大學城中區商學院

自序

金融為商業之命脈，輔車相依，關係彌深。香港因地理條件之優良，復以時勢激盪，商務勃興，國際貿易，熙攘靡息。由是不第金融市場之組織，日漸縝密；抑世界金融市場消息之盈虛，亦何時弗與香港金融市場保持密切之關聯？金融界經營其間，對於地方金融市場之大勢及演進，自非稔悉不可。顧香港商業教育，尙嫌落後，金融市場之研究，遂恆為人所忽視。金融業中人暨商科學生，其能孜孜探求者，固大有人在；然每感晦蒙難明之苦者，猶非少數。不敏有鑒及此，乃摘擷見聞，蒐集成帙，且付鉛槧，以饜讀者，此本書所由輯也。

本書資料，類多仰自零篇斷幅，蒐集維艱。良以香港金融上特有制度，嚮乏專籍記載，可資參證。勳一載以來，從事著述，前後雖經

搜集殘簡，訪查習慣，幾至羅掘俱窮，猶懼材料未盡可恃。抑金融市場，錯綜萬千，以勳學力有限，管窺蠡測，采摭失周，挂漏孔多，均所難免。深望商界宏達，暨商學研究之士，隨時匡正，則幸甚矣！

書端承國內會計界碩望謝霖會計師，財政評論社社長許性初博士，上海銀行業公會聯合準備委員會主席朱博泉先生，上海中一信託公司信託部主任朱斯煌先生，交通部會計處處長錢祖齡會計師，滬江大學城中區商學院秘書長慎微之先生等各賜鴻序。又蒙我國金融界碩彥錢新之先生簽署書顏，香港周壽臣爵士及李星衢先生惠贈題詞，盛情美意，銘感何既！謹誌數言，用表寸忱！

著 者

香港金融目次

題字
題詞
序文

(題詞及序文概以收到先後為次序)

第一編 總論

第一章 香港之沿革……………一

第二章 香港商業發達之原因……………五

地理之原因——自然之原因——經濟之原因——其他原因

第三章 香港金融市場之特點……………九

香港幣制之健全——香港金融組織之系統化——香港

金融之地方性——香港金融之國際性

第四章

香港之幣制

..... 一三

香港幣制之過去——香港幣制之革新——香港貨幣發

行之近狀

第五章

香港金融業法律概要

..... 一九

合夥組織之法律——公司組織之法律——金銀找換店

之法律

第六章

香港金融界習語解釋

..... 二七

『地沙』——『老本息』——『炒家』、『炒』——『大戶』

——『散家』——『好友』——『波友』——『買空』、『賣空』

，『拋空』——『現貨』、『期貨』，『花貨』——『近期』、

『遠期』——『鬆』、『縮』，『漲』，『跌』——『企市』、

『牛皮市』——『掛牌』——『入倉』，『出倉』、『埋倉』、

第二編 香港金融市場組織

「開倉」——「公盤」——「開盤」，「成盤」，「按盤」——
「單」——「辨房」，「辨例」——「告羅士」

第一章 概說……………三五

第二章 銀號……………三七

第一節 銀號之沿革……………三七

第二節 銀號之類別……………三八

第三節 銀號之組織……………三九

第四節 銀號之業務……………四〇

第五節 銀號之團體……………四一

第三章 銀行……………四三

第一節 香港銀行之沿革……………四三

第二節	外商銀行	四四
	外商銀行地位之重要——英商銀行——美商銀行——法商銀行	
	——荷商銀行——日商銀行——其他國籍銀行	
第三節	華商銀行	五二
	香港註冊華商銀行——非香港註冊華商銀行	
第四節	銀行之團體	五九
第四章	申電貿易場	六一
第一節	申電貿易場之沿革	六一
第二節	申電貿易場之組織	六二
第三節	買賣時間及業務要則	六三
第五章	金銀業貿易場	六五
第一節	金銀業貿易場之沿革	六五
第二節	金銀業貿易場之組織	六六